

IO. IACOBVS FICKIVS,

PHILOS. ET MED. D. ANATOM. CHIRVRG.

ET BOTAN. PROF. P. ARCHIATER SAXON.

ORDINIS SVI PRO-DECANVS

PROGRAMMATE AVSPICALI

DE

CALCE VIVA

CLARISSIMI MEDICINAE CANDIDATI

CHRISTIANI HENRICI DEESEN

GROENINGA-HALBERSTADIENSIS

DISPVATIONEM INAVGVRALEM

INDICIT.

IENAE, LITTERIS RITTERIANIS.

IO. IACOBVS EICKVVS

PHLOS. ET MED. D. ANATOM. CHIRURG.

ET BOTAN. PROF. 2. ARCHIDIAKON SAXON.

ORDINIS SUI PRO-DECANVS

PROGRADUATVS APTHECARIVS

CALCE VIVA

CLARISSIMI MEDICINAE CANDIDATI

CHRISTIANI HENRICI DEESEN

GRONINGA-HAERSTADTERNSIS

DISPUTATIONEM IN AVGVRALEM

INSTIT.

LENAE, EDITORIS RITTBERGII



I de aliquo lapide in India, refert
Augustinus lib. 21. de civitate Dei
cap. 4. narrarentur, quæ in calce
quotidie videmus, vix fortasse fi-
dem haberemus, & fere pro mira-
culo crederemus. Nam calx viva
accenditur aqua, inquit *Plinius II.*

hiflor. natur. lib. 33. cap. 23, & Thracius lapis, itemque
oleo restinguitur, miraturque aliquid, cum arserit, accendi
aqua; quod concrematum semel est, frigida ferveri &
inardescere. Bene itaque agunt, qui in eiusmodi concre-
tum accurate investigant, licet noto notius sit, & respectu
modi conficiendi vsusque mechanici manifestissimum.
Ufus quosdam obiter tangere volumus, quorum gratia
sufficit, si nouerimus, latere in ea duplex sal, acidum &
alkali, hoc tamen maxime prævalere: aut contineri in ea
terreo-igneum volatile, quod totum in aquæ calcis vivæ

evaporatione in auras vibratur, ne particula quidem fixæ materiæ relicta: vel ipsi sal inesse sui generis, volatile, intime cum terra primæva & Adamica connexum, in lixivio facile expirabile. De salina dispositione omnes loquuntur effectus, & si non fallor, testimonium fert sacchari depuratio, seu, refinatio.

Arundo saccharifera calamis se erigit septenum aut octonum pedum, pollicis crassitie, fungosa, succulenta, dulcis albæque medullæ plena: folia illi duos cubitos longa, flos comosus, radix svis minusque lignea, quæ germina protrudit in novæ messis spem. Evulsæ arundines mundatæque a frondibus, in taleolas palmi longitudine inciduntur. Sic incisis prelo extunditur liquor, qui ahero exceptus & aqua dilutus statis horis coquitur, despumatusque ac evaporante humore aqueo fictilibus vasis, quæ pyramidis formam referunt, infusus, instar salis concrefcit. Ast puriori & magis defecato studetur novis operis coctionibusque. Saccharo namque impuriori lixivium calce viva maceratum affundunt, vt & albumina ovorum, continuaque agitatione spumantem humorem mellea & fordida pinguedine despumant. Interea ferventis sacchari ebullitiones super effusionem minantes injecto butyro castigant, tum coctum liquorem, lixivio nondum absunto, transmittunt per ciliceum, & donec absutum fuerit lixivium, rursus effervescere sinunt, inde infundibulis accipiunt, elabente iterum crassiore syrupo, & reliqua substantia mox arescente. *Barleus in tractatu, res Brasilia p. 122.* Ita si nimia calcis & fortis lixivi efficacia exacuatur, adeoque purius, candidius, firmius, simul tamen acrius, calidius & magis rosivum, visceribus infestum, reddatur saccha-

saccharum, balsamicis sacchari particulis destructis, valetudini minus proficuum induit naturam, nam lixivii expers intensius dulcificat, ingenitis viribus melior, adeoque in pulvere melius est compacto in formas candido.

Ita multorum est opinio, quæ tamen infirmo stat talo. Calx quidem viva valde acris est, non æque vero aqua ejus extinctoria, quæ igne evaporata nullum sal relinquit, & per se contra varios in & externe citra noxam & ullum acrimoniæ lædentis vestigium usurpatur morbos. Nullum ergo sal acre & igneum saccharo communicat, aut salim erit tantillum & nullius efficaciam, cujus pars maxima, si adesset, cum spuma aut ipso syrupo a concreta sacchari parte separaretur.

Longe aliter comparatum est cum calce viva in substantia, pestis enim tempore, vel in magna hominum clade brutorumque feralibus morbis imperatur non solum, ut demortuorum corpora profunde in terram humentur, sed quoque multa calce viva eumulentur. Quod identidem fiat in cryptis concameratis, quin ipsi ferali arcæ in templis ac cœnobiis illa iniiciatur, quæ arida & salina terrestreitate exsiccat, & consumat omnem humiditatem cum carnibus vi salis caustici. Novit hoc vulgus Patavinum in Italia, quod hibernis mensibus, simulac amici animam exhalarent, calce viva aspersa ita exsiccat defunctorum corpora, ut ad sectiones anatomicas fiant inutilia, ceu *Thomas Bartholinus in histor. anatom. pag. 107.* proponit. Sed jam accedimus ad Clarissimi Domini Candidati vitam & studiorum rationem. Nempe

CHRISTIANVS HENRICVS DEESEN,

Natus est Groeningæ, quod oppidum in Principatu Halberstadiensis situm est, anno 1698, d. 31 Januarii, Patre *Georgio Deefio*, Viro integerrimo & Camerario illius loci meritissimo: matre autem *Anna Maria*, nata Ladensakin, matrona virtutum laude eximia, pronuper demortua. Parentes hi nihil prius habuerunt, quam ut in pietate & probis moribus prima ætate educarent filium suum, dum ad doctrinas & artes idoneus addiscendas Præceptoribus traderetur erudiendus, & primum in schola patria, ubi egregiam adhibuit diligentiam. Signa ostendit felicitis ingenii, & quos profectus sit facturus, clara satis dedit indicia.

Parentis mors, quæ in illa pueritiæ incidebat tempora, ipsius animum non frangebat, quin potius amplio-rem sibi in literis elegantioribus campum quærens, Quedlinburgum se recipiebat, & in Gymnasio, quod ibi floret, utebatur privata & solida informatione Domini *Vogtii*, Sub-Conrectoris, viri non mediocriter docti, jam b. m. Postea ibi clarissimos nactus studiorum suorum moderatores, Rectorem *Eckardum*, Philosophiæ Magistrum, & Conrectorem *Hornium*, de Musis Quedlinburgensibus Viros meritissimos, quorum opera tantos fecit progressus, ut ei acroases adire liceret.

In alma Salana anno M DCC XX, calendis Nouembris, receptus est in numerum Studiosorum, a Pro-Rectore

eo tempore Magnifico, *Michaelæ Færtschbio*, SS. Theol. D. & Professore Seniore b. m. Et quo rite in studio suo procederet, fundamentum Medicinæ in Philosophia posuit, frequentavit ergo Domini *Johannis Jacobi Syrbii*, Philosophiæ primæ & rationalis PP. celeberrimi collegia, nec non Dom. *Grischovii*, Adjuncti Facult. Philos. Senioris meritissimi, lectiones mathematicas. Salutarem artem postmodum aggressus convertit se ad Dom. *Georg. Wolfg. Wedelium*, b. m. Chym. & Prax. Professore longè celeberrimum, Consiliar. aulic. & Archiatr. felicissimum, materiam medicam & Chymiam tunc solidissime exponentem. Haud minori desiderio & diligentia sectatus simul est Dom. *D. Job. Adrianum Slevogtium*, nunc Chym. & Prax. P. P. celebratissimum, Facultatis nostræ Senioremem venerandam, in Osteol. & Chymicis demonstrationibus occupatissimum. Laudis pariter multum & emolumentum attribuit Excellentissimi, *Job. Adolphi Wedelii*, theoretices P. P. Consilarii & Archiatri Saxon. & Academiæ Nat. cur. Collegæ, fidelissimæ informationi, a cujus ore assidue pendit. Progressus haud contemnendos, quos Noster fecit in Medicina, auxit industria & cura Viri Excellentissimi, Dom. *D. FridERICI Hermannî Teichmeieri*, Medicinæ & Phil. experiment. P. P. O., ac Hatzfeldensis Archiatri, cujus hospitio uti licuit per aliquot annorum spatium, quo abunde in laboribus Chym. & Practicis exercitus fuit, ut alia taceamus. Interfuit quoque publicis prælectionibus Dom. *D. Simonis Pauli Hilscheri*, Med. P. P. O. dum multa ad artem spectantia egregia pronunciabat. Tandem ut de me pauca edisseram, ingenue fatetur, se adstitisse mihi, demonstranti publice characteres plantarum novos, & pronuper disse-

canti

canti in theatro publico utriusque sexus cadavera, & notabilia abunde monenti. Ab arte salutari rite instructus, ad praxin ut progredereetur, abiit Rudolphopolin. Cum igitur Deo & proximo non sine fructu inservire se posse deprehenderet, Doctorem ambire Tiam non dubitavit. Accessit itaque Facultatem nostram & honestum suum desiderium, quo in Candidatorum numerum reciperetur, decenter exposuit. Morem gessimus illi, talemque in solennibus explorationibus invenimus, cui suo merito cathedra aperiretur ad dissertationem inauguralem, *de vi naturæ humane medica*, sub præsidio Viri Excellentissimi Domini *Job. Ad. Wedelii*, publice habendam d. XXIII. Jun. Cui solennitati ut Magnific. Dominus Pro-Rector, illustrissimus Comes de Reus, Aulæ & Acad. Proceres, omnium ordinum Doctores venerandi, Sacrorum Antistites, & Nobilissima Studiosorum Corona frequentes intersint, ea, quæ decet, ratione & animi observantia, oro atque contendo.

P. P. Jenæ, d. XVII. Jun. M DCC XXV.

sub sigillo Facultatis.

